

Gemeinde
Ralbitz-Rosenthal



Gmejnska nowina Ralbicy - Róžant



30. lětnik / 9. wudaće

Hamtske łopjeno

mały różk 2020

6.2.2020

www.ralbitz-rosenthal.de
gemeinde@ralbitz-rosenthal.de



foto: Marcel Zschieschang

Dnja 19. decembra 2019 wotewzachu sej wobornicy Konječan-Šunowskeje wohnjoweje wobory nowe hašenske jězdźidło w Zhorjelcu.



Wobzamknjenja gmejskeje rady Ralbicy-Róžant

Na posedženju gmejskeje rady dnja 23.1.2020 su so scěhowace wobzamknjenja schwalili:

Wobzamknjenje č. 01-01/2020

Wobzamknjenje po § 1 wotr. 7 a § 1a wotr. 2 sada 3 twarskeho zakonika (BauGB) k 1. změnje wudospołnjacych wustawkow „Ralbicy – nawjes“

Wobzamknjenje č. 02-01/2020

Wobzamknjenje po § 34 wotr. 4 č. 3 twarskeho zakonika (BauGB) k 1. změnje wudospołnjacych wustawkow „Ralbicy – nawjes“

Wobzamknjenje č. 03-01/2020

Wobzamknjenje k personalnemu wobsadženju techniskeho wuběrka

Wobzamknjenje č. 04-01/2020

Wobzamknjenje ke kupej a předani ležownosćow we Łazku, kotrež so za wutwar dróhi „Při Klósterskej wodze“ wužiwalu su

Wobzamknjenje č. 05-01/2020

Přiwzaće a posředkowanje pjenježnych abo wěcných darow a podpěrow w hódnoće nad 100 €

Dohlad do protokola resp. wobzamknjenjow zjawneho posedženja w cyłym wobjimje je w času rěčnych hodžin gmejskeho zarjada móžny.

Hubertus Rycer, wjesnjanosta

Přichodne posedženje gmejskeje rady gmejny Ralbicy-Róžant wotměje so štwórtk, dnja 13.2.2020 we 18.00 hodž. w sydarni gmejskeho zarjada w Róžeńće. Dnjowy porjad so přez městne wuwěški wozjewi.

Přichodna zhromadźizna techniskeho wuběrka wotměje so štwórtk, dnja 13.2.2020 we 18.00 hodž. w sydarni gmejskeho zarjada w Róžeńće. Dnjowy porjad so přez městne wuwěški wozjewi.

Rěčne hodžiny gmejskeho zarjada w Róžeńće:
štwórtk: 14.00–18.00 hodž.

Rěčne hodžiny wjesnjanosty:
štwórtk: 15.00–18.00 hodž. abo po dorěčenju

Přełožowanje serbskeho wudaća gmejskeje nowiny so wot Swobodneho stata Sakskeje spěchuje.

Nuzowe čisła

milina	ENSO Netz GmbH 0351/50178881
woda	Ewag Kamenz 03578/377377
płun	EVSE Wittichenau 035725/7410
wopłóčki	AZV Am Klosterwasser 035796/96026
policija	110
nuzowy lékař / wohnjowa wobora	112
wohnjowa wobora Ralbicy	035796/850086

IMPRESUM – Gmejska nowina gmejny Ralbicy-Róžant
zamóhwity: wjesnjanosta Hubertus Rycer
Gmejski zarjad
Při Marijinej studničce 8
01920 Róžant
Tel.: 035796/96832
Faks: 035796/96833
Mejlka: gemeinde@ralbitz-rosenthal.de
Internet: www.ralbitz-rosenthal.de
Towarstwa su za wobsah svojich stronow same zamóhwite.

Redakciski kónc za wudaće nalětnika 2020:
14.02.2020

Prošu zapodajće wšitke přinoški za nowinu
z mejlku na:
gmejska.nowina@gmx.de

Online-wudaće gmejskeje nowiny
pod: www.ralbitz-rosenthal.de

**Gratulujemy všitkim rentnarkam a
rentnarjam k narodninam a přejemy
krutu strowotu a Bože žohnowanje.**



16. februara
22. februara

Borbora Mrózowa
Joachim Šnabl

Łazk
Ralbicy

70. narodniny
70. narodniny

**Tež všitkim njemjenowanym narodninarjam přejemy
wjele zboža, strowotu a wosobinske derjeměće.**

Wozjewjenje zapisa dróhow


Wot 01.03.2020 hač do 31.03.2020 wozjewi so na informaciskich taflach gmejny Ralbicy-Róžant wukaz wo přiwzaću do zapisa dróhow. Jedna so při tym wo „Róžeńčansku“ w Sernjanach.

Hubertus Ryćer
wjesnjanosta

Česćeni wobydlerjo, česćeni čitarjo gmejnskeje nowiny,

na tutym městnje chcu Wam přehlad wo w lěće 2019 wuwjedženych džěłach w našej gmejnje podać.

Čežišćo běše twar lifta za zbrašenych na Serbskej wyšej šuli w Ralbicach. Cyłkowne wudawki we wysokosći 194.500 € buchu z pomocu přiražkow z dawkowych srědkow na zakładze hospodarskeho plana Sakskeho krajneho sejma schwalenoho za lěto 2019 we wysokosći 132.220 € spěchowane. Z podpěru dara dweju priwatneju wosobow we wysokosći 18.110,00 €, jara wjele sponsorow a podpěračelow z našeje a susodnych gmejnow kaž tež staršich šulerjow je so tuta naprawa dypkownje k spočatkej noweho šulskeho lěta přewjesć móhła. Dale bu křižowanišćo Trupinjanska – parkowanišćo šule w Ralbicach ponowjene.



Nimo toho bu „najwjětša inwesticija“ gmejny zašłych třiceći lět k planowanju přepodata. Dže wo nowotwar pěstowarnje ze žłobikom za 155 džěci a wo saněrowanje dotalneho twarjenja k hortej za dohromady 110 džěci. Wobaj planowanskej naćiskaj předležitej a buštej na poslednich posedženjach gmejnskeje rady předstajenej. Cyłkowna inwesticija budže něhdže 4,3 mio. € wučinić.

W Nowoslicach ponowichu wobydlerjo a čłonojo wjesneje rady třěchu při přitwarje Kulturneho doma w swójskej zamołwitosći.

W Róžeńće bě ponowjenje chódnika na Sernjanskej dróze w swójskej zamołwitosći předwidžane. Tuta naprawa pak so z časowych přičin a dla falowacych kapacitow přewjesć njehodžeše. Tu ma so znova pruwować, hač je ponowjenje w tutej formje zmysłapólne. Puć dyrbať so šěršo wutwarić.

Po tym zo bu we Łazku w lětomaj 2017/2018 puć „Při Klóšterskej wodze“ wutwarjeny, bu wón 2019 doskónčnje wuměrjeny. Lětsa ma so notarielne rjadowanje nakupow ležownosćow přewjesć.

W Smjerdžacej bu stejnišćo containera wuměrjene. Za wohnjowu woboru bu wóz za hadžicy kupjeny, zo bychu wohenje, hdžež su hadžicy za dołhe puće trěbne, zawěscene byli.

Najwjětši podžěl pjenjez w techniskim wobłuku nałožowaše so za Konječan-Šunowsku wohnjowu woboru. Dnja 19. decembra 2019 bu nowe hašenske jězdźidło typa TSF-W pola zhotowjerja w Zhorjelcu wotewzate a do služby stajene.

Hižo wjacore měsacy wuradźuje so wo wužiwanju rumnosćow bywšeje kupnicy w Konjecach. Tu pak su wjesna rada a towarstwa za nastajenje konkretneho koncepta prašane.

W Šunowje nasta na iniciatiwu priwatnych wosobow, zhromadnje z wjesnej radu, w adwenće jara rjana pycha při křižu wosrjedź wsy.

W Sernjanach so wotkryće noweje bydleniskeje štwórcy „Róžeńčanska“ doskónčnje zakónči. Plestrowanje pódlanskich zelenišćow a instalacija wobswětlenja dróhi so hišće do hód zakónčištej. Wot 16 k dispoziciji stejacych parcelow su mjeztym 13 předata. Tam steji hižo šěsć chěžow.

Mjez Nowej Wjesku a Hrańcu so tuchwilu spušćadło w Nowej Wjesce a stare promjo Klóšterskeje wody w nadawku Sakskeho zarjada za rěčne zawěry saněrujetej.

Wšelčizny:

W nadawku Budyskeho wokrjesa so tuchwilu někotre wsy gmejny ze škleńčnioničowym kablom za spěšny internet zastaruja.

Tež loni su so přistajeni gmejny wo puće, hrajkanišća, sportnišća a zelenišća starali. Tohorunja su hladanje wodžiznow na starosći měli.

W gmejnjach narodži so w lěće 2019 16 džěci, 16 wobydlerjow zemrě. Tuchwilu mamy 1717 wobydlerjow.

W měrcu wotmě so na Serbskej wyšej šuli w Ralbicach UNESCO-camp sakskich šulow, na kotrymž so 10 šulow wobdžěli. Tež sakski kultusowy Christian Piwarz wobdžělnikow wopyta a wotmołwi při diskusijnym kole na prašenja.

Erasmus+ je trilateralny projekt, kotryž bazuje na zhromadnym džěle mjez šulomaj w Mělníku a Zvolenju. W ramiku projekta Erasmus+ wobdžělichu so naši šulerjo na projektach w Mělníku (Čěska) a Zvolenju (Słowakska). W decembrje wopytachu wučerjo wobdžělenych šulow Serbsku wyšu šulu w Ralbicach. Tu bu zakónčacy projekt za meju 2020 na našej šuli přihotowany.



Dnja 10. septembra 2019 swjećeše na přeprošenje honorarneho konsula Republiki Chorwatska, dr. Neumanna, japoštołski nuncius arcybiskop dr. Nikola Eterović składnostnje dnja njewotwisnosće republiki Chorwatska w Ralbičanskej cyrkwi swjateje Katyrny Božu mšu. Hosćo běchu mjez druhim chorwatski wonkowny minister dr. Gordan Grlić Radmann, zastupowacy měšćanosta města Varaždin, zastupjerjo Němsko-chorwatskeje towaršnosće

Varaždin a mnozy zastupjerjo politiki a hospodarstwa. Dalše swjedženske zarjadowanje wotmě so w Kulowje a w Krbatowym mlokowym swěće w Koćinje.

Džakuju so wšitkim, kotřiž su přez čestnohamtske džěło aktiwnje gmejnskemu a towarstwowemu žiwjenju přinošowali.

Waš wjesnjanosta

Hubertus Ryćer

fota: Hubertus Ryćer (2), Julija Serbincec (2), Feliks Haza (1)



Bekanntmachung

1. Änderung der Ergänzungssatzung „Ralbitz am Dorfplatz“

Öffentliche Bekanntmachung des Beschlusses über die Ergänzungssatzung gemäß § 34 BauGB Abs. 4 Nr. 3 BauGB

Der Gemeinderat der Gemeinde Ralbitz-Rosenthal hat in seiner Sitzung am 23.01.2020 die 1. Änderung der Ergänzungssatzung „Ralbitz am Dorfplatz“ in der Fassung vom 13.01.2020 beschlossen. Die Begründung zur Ergänzungssatzung wurde gebilligt. Mit dieser Bekanntmachung tritt die 1. Änderung der Ergänzungssatzung „Ralbitz am Dorfplatz“ in Kraft. Die Ergänzungssatzung einschließlich Begründung wird in der Gemeindeverwaltung Ralbitz-Rosenthal, Am Marienbrunnen 8 in 01920 Rosenthal während der Öffnungszeiten zu jedermanns Einsicht bereitgehalten. Über den Inhalt wird auf Verlangen Auskunft erteilt.

Unbeachtlich werden nach § 215 (2) BauGB

1. eine nach § 214 Abs. 1 Satz 1 Nr. 1 bis 3 BauGB beachtliche Verletzung der dort bezeichneten Verfahrens- und Formvorschriften,
2. nach § 214 Abs. 3 Satz 2 BauGB beachtliche Mängel des Abwägungsvorgangs, wenn sie nicht innerhalb eines Jahres seit Bekanntmachung der Satzung schriftlich gegenüber der Gemeinde unter Darlegung des die Verletzung begründenden Sachverhalts geltend gemacht worden sind.

Auf die Vorschriften des § 44 Abs. 3 Satz 1 und 2 sowie Abs. 4 BauGB über die fristgemäße Geltendmachung etwaiger Entschädigungsansprüche für Eingriffe in eine bisher zulässige Nutzung durch diese Satzung und über das Erlöschen von Entschädigungsansprüchen wird hingewiesen.

Hubertus Rietscher
Bürgermeister / wjesnjanosta

Veröffentlichungsvermerk:

auszuhängen am: 30.01.2020

abzunehmen am: 11.02.2020

ausgegangen am:

abgenommen am:

Informationstafeln in Cunnewitz, Gränze, Laske, Naußlitz, Ralbitz, Rosenthal,
Schmerlitz, Schönau, Zerna

(auf der Grundlage der Bekanntmachungssatzung vom 18.11.2011)

- Hinweis erfolgte in der Gemeindezeitung in der Ausgabe vom 06.02.2020 -

WUPISANJE DŽĚLOWEHO MĚSTNA

W zarjadnistwje „Při Klósterskej wodze“ ma so 1. apryla 2020 městno

sobudźělačerki/sobudźělačerja w běrowje wjesnjanosty gmejny Ralbicy-Róžant

jako wudospołnjenje planoweho městna – běrowoweho wěcywobdźělarja – wobsadzić.

K nadawkowym woblukam słušeja: sekretariatne a pisanske dźěła z wobmjezowanym dźělowym časom 20 hodźin wob tydžeń. Mzdu płacimy po zastopnjowanskej skupinje 5 TVöD.

Wobknježenje serbskeje rěče w słowje a pismje je nuznje trěbne.

Powołanske wuměňjenja:

- wotzamknjene wukubłanje jako běrowowa překupča resp. běrowowy překupc, fachowa móc za běrowowu komunikaciju, zarjadniska fachowa přistajena resp. zarjadniski fachowy přistajeny abo alternatiwnje dopokazane dźělowe nazhonitosće w zjawnym resp. priwatnym zarjadnistwje
- jara dobre znajomosće w prawopisu a gramatice

Nadawki:

- nawjedować běrow wjesnjanosty (telefonowy, terminowy a póstowy management, korespondenca, zarjadowanja organizować a přewjesć)
- so na wuběrkowych gmejnskich posedženjach wobdźělić – zwjetša po wječorach – a protokole pisać
- zawěsćić rěčne a wotewrjenske časy gmejny
- starać so wo internetowu stronu / zjawnostne dźěło

Swoju pisomnu abo elektronisku požadansku próstwu, hromadže z wotpowědnymi podložkami a telefonowym čisłom, pósćelće hač do 15. februara 2020 na

**Zarjadniski zwjazk „Při Klósterskej wodze“
knjez Domaška, zarjadniski předsyda
Póstowa dróha 8
01920 Pančicy-Kukow
mejlka: verwaltung@am-klosterwasser.de**

Přeprošenje na wolejbulowy turněr



Lětuši wolejbulowy turněr wohnjowych woborow wo pućowanski pokal wjesnjanosty wotměje so sobotu, dnja 29. februara 2020 wot 15.00 hodź. w sportowej hali w Ralbicach. Turněr zarjaduje lětsa Smjerdžečanska wohnjowa wobora. Wšitcy wobornicy a so za sport zajimowacy su wutrobnje přeprošeni.

Michał Maywald
(nawoda gmejnskeje wobory)

Statistika k zasadženjam wohnjoweje wobory w lěće 2019

Cyłkowne zasadženja:	18		
wohenje	2	z toho	2 x woheń na polu resp. w lěsu
techniska pomoc	14	z toho	8 x škody při wichorje / štomy na dróze 3 x wobchadne njezbožo 1 x wotewrjenje durjow 2 x woda w pincy
wopačny alarm	2		

Při njewjedrje „Eberhard“ dnja 10. měrca 2019 bu gmejnske přikazowe městno zarjadowane.

Dohromady bě wohnjowa wobora Ralbicy-Róžant ze swojimi 5 wjesnymi woborami 30 razow z 225 wobornikami při horjeka mjenowanych składnosćach zasadžena.

Cyłkownje nałożowany čas wučinješe 259 hodźinow. Tuta statistika wopřija woprawdže nałożowane hodžiny. W pjeć wjesnych woborach so dalše hodžiny za wukubłanje a dalekubłanje wužachu.

Za wukonjane džěto a zwólniwość chcu so pola wšitkich kameradkow a kameradow wutrobnje podźakować.

Michał Maywald, nawoda gmejnskeje wobory

Nowe hašenske jězdźidło do služby stajene

Dnja 19. decembra 2019 poda so mała delegacija wobornikow z Konjec a Šunowa na puć do Zhorjelca, zo bychu sej skazane hašenske jězdźidło wotewzali. Tak kaž we wohnjoškitnym planje gmejny wopisane, bě hašenske jězdźidło (TSF-W) předwidžane. Wjeselo kameradow nad nowym jězdźidłom bě wulke, wšako smědžachu někotři z nich jězdźidło z nětčišim wuhotowanjom sobu planować a swoje techniske znajomosće při projekće nałożować. Jězdźidło ma městno za šěsć kameradow. Wone ma tank za hašenje z wolumenom 750 l, milinowy sćežor z LED swětłomjetakami a nowu, so za transport hodžachu klumpu (PFPN 10-1000). Kup bě trěbny, dokelž bě wjace hač 25 lět stare jězdźidło W-50 husto skóncowane a hižo džensnišim techniskim narokam njewotpowědowaše. Nowe TSF-W je wulke wobohaćenje za zaručenje wohnjoweho škita gmejny. Přerj kameradam z Konjec a Šunowa stajnje dobru jězbu z nowym awtom a dalekubłanja a zasadženja bjez njezbožow.

Michał Maywald, nawoda gmejnskeje wobory



foto: Marcel Zschieschang



pěstowarnja „dr. Jurij Mlynk“ w Ralbicach

Poskitk snědanje ze stron pěstowarnje



Je štwórtk, 7.15 hodź. Pjekarska wón čehnje po chódbje Ralbičanskeje pěstowarnje. Četa Feli njese korb narězanych bagetow do dweju kuchnjow domu. Blida snědanskich rumnosćow so přihotuja: Sad a zelenina so nakraja, twarožk so wupakuje a měd a marmelada so do škličkow daja. Tež džěci jednotliwych skupinow

smědža so wězo při přihoće wobdźělić.

Něhdže 7.30 hodź. klinkačk zaklinka a džěci so w swojim wobtuku z kubłarku/kubłarjom do kruha zestupaja. Wšitcy so postrowja, sej spěw zaspěwaja abo hrónčko dopraja a sej lube słowo popřeja. Potom smědža so přeni k snědani podać.


Wot lońšeho nowembra poskići

so džěcom w Ralbičanskim domje stajnje na štwórtkach snědań ze stron pěstowarnje. Zaměr poskitka je, zo dóstanje džěco móžnosć, sej swójsku snědań sam aktiwnje zestajeć. Při tym so w domje na to wažnosć kładže, zo je snědań strowa a wotměnjawa. Tak so tydžensce pječwo pjekarja měnja a wšelake chłěbow mazy so poskića. Dale chcemy wězo zhromadnosć při jědźi spěchowac a džěcom chwile k jědźi dać. A wěrcé nam, mnoho zajimawych rozmołwow so mjez džěćimi při přihotowanju a wužiwanju swójskeje přihotowaneje snědanje wuwija.

A to wšitko njezwjeseli jenož džěci. Tež starši sej chwala, zo maja na kóždym štwórtku tyzku mjenje doma za džěci spřihotować.

Jadwiga Nukowa





Serbska wyša šula Ralbicy

UNESCO projektna šula

Šula z ideju 2007

www.serbska-sula-ralbicy.de

Mały różk 2020

24. lětnik, 252. wudaće

Wopyt susodnych zakładnych šulow



50 šulerjow ze zakładneju šulow z Chrósćic a Ralbic wopyta dnja 14. januara 2020 našu wyšu šulu. Po witanju zeznachu so šulerjo při zhromadnym sportowanju. Po tym předstaji so socialna džěłaćerka knj. Hrjehorjowa a cdp-kružk pod nawodom knj. Wrobloweje

informowaše wo UNESCO-džěle na našej šuli. Mjez druhim wopytach našich šulerjow při džěle w informatice a fyzice. Wobhladachu sej tež naš techniski centrum, w kotrymž steji moderna kuchnja ze 16 džělowymi městnami. W přizemju stej rumnosći za techniske a ručne wukubłanje. Šulerjo 8. lětnika zhotowichu mały přikus za našich hosći.



Wječor k dnjej wotewrjenych duri witachu so tež starši w našej šuli. Woni móžachu sej modernje zarjadowane rjadowniske rumnosće wobhladać, ze wšěmi wučerjemi rěčeć a na informaciskej hodźince najwažniše wo našej šuli zhonić. Prašenja so wězo tež wotmołwichu.

„Běh z wutrobu“ – poľny wuspěch

Při našim „Běhu z wutrobu“, kotryž so wot našeje UNESCO-skupiny do žiwjenja zwola, so wšitke wočakowanja přetrjehichu. Za to wulki džak wšitkim sponsoram, běharjam a pomocnikam.

Cyłkownje běžachu so 1514 kołow. To wučini 605,5 km. Šulerjo běžachu 562,8 km a wučerjo 42,8 km. Cyłkownje nahromadźichu naši pilni běharjo 7751,49 €. Pjenjezy wužiwaja so za šulske předewzaća, kaž za twar małego lifta při zachodnych schodženkach. Hišće jónu, zapłać Bóh!

Zyma

Přijěcha k nam zyma tu
na sněhowym koniku.

Na wokna nam moluje
rjane róže, hałuzy.

Pola wodźěte nětk su
přez bětu płachtu sněhowu.

Derje su tak schowane,
wšitke sywy nazymske.

Džěči spěšnje sankuja ,
na lodže so smykaja.

Dawno hižo čakali,
sanki z kólnjow čahali.

Ptački wězo wbohe su,
zornjatka sej pytaju.
Proša wšědnje při domčku
wo jim trěbnu cyrobu.

Smil so luba hospoza,
njezabudź te ptačatka.
Nalěto ci při ranju
džakne spěwy zanjesu.



Wórša Mětowa - ludowa basnjerka

* 1898 w Němskich Pazlicach

† 1978 w Hatach

INFORMACIJE - TERMINY - WŠELČIZNY

07.02.2020 wudawanje poľětnych informacijow a wuswědčenjow, póstnička

10.02.-21.02.2020 zymske prózdniny

11.02.2020 wopyt ptačokwasneho předstajenja w Chrósćicach za 5. a 6. lětnik

13.02.2020 požadanski trening z AOK a knjezom Herrnsdorfom za 9. lětnik

24.02.2020 starši šulerjow 5. a 6. lětnika ze zaměrom gymnazij wopytać, zdžěla
to rjadowniskemu wučerjej

24.02.-28.02.2020 přizjewjenja za nowy 5. lětnik na wyšej šuli

27.02.2020 kompetencny test jendželščina za 8.lětnik

28.02.2020 starši 6. lětnika zdžěla šuli kubłanski puć (hš/rš)

Přinoški zestajeli a wobdžěłali: Dominik (9. l.), Ricarda (7. l.), Lea (6. l.), Franciska a Aurelia (5. l.)

Džak za hodownu pychu

Mjeztym hižo třeće lěto błyšći so Šunowska nawjes w adwentnym swětle. W adwenće 2019 přidruži so nowostka – zańdžena swjata Marija na wósliku sedžo. Za tónle wulkomyslny dar Šunowej džakujemy so cyle wutrobnje wosobje, kotraž nochce mjenowana być. Z tutej postawy móže so „hródž“ hižo k přenjemu adwentej nastajić. Wupyšena nawjes bu z tym znova zetkanišćo. Nimale kóždy wječor běše móžnosć tu někoho zetkać, kotryž při „hródži“ pozasta a sej wobraz lubić da. Tuž wuda so husto mała rozmołwa, štož wjesnej zhromadnosći tyje. Za to mjez druhim wulki džak Michałej Möllerej za štom, swójbam Hübenthalec, Lipičec, Wokec, Orlamünde, Thielec, Gastec, Mauec, Młodžinkec, Bětnarjec, Wjeselic, knjezej Ziemertej a knjezej Rafeltej a tež wšěm tym, kotřiž su na někajkežkuli wašnje pomhali, tónle wobraz na nawsy zaso zmóžnić.

Team wokoło Šunowskeje adwentneje hwězdy

Přepodaće nowych trikotow Konječan hrajerjam blidotenisu

Srjedu, dnja 22. januara 2020 dóstachu Konječan hrajerjo blidotenisu swoje nowe trikoty. Tute so wotnětka při wšěch dydkowych hrach noša. Při přepodaću pódla běchu sponsorjo trikotow. Bjez financelneje podpěry wot nich njeby wobstaranje móžne było. Towarstwo džakuje so sponsoram:

- Schierack Bau GmbH
- Molerskemu mištrej Zschieschangej
- Třechikryjerskemu mištrej Hrjehorjej GmbH
- kachle – kaminy – dłóžki Čornakej GmbH
- ETL dawkowej poradźowarni Kralej Kulow
- porjedźerni awtow Čórlichej.



Halo džěći ze Smjerdžaceje a wokoliny

Tež lětsa chcemy zaso z Wami w kulturnym domje w Smjerdžacej póstnicy swjećić, a to

njedźelu, dnja 9. februara 2020, wot 15.00 hodź.!

Rady móžeće swojich přećelow sobu přinjesć. Tež Waši starši, džědojo a wowki su wutrobnje witani. Za nich změjemy kofej a tykanc.

******Zastup darmotny!******

Popołdnjo přewjedže so z podpěru wjesneje rady.



Lilija swoje założenie před 125 lětami wopominała

Z Božej mšu pjatk, 17. januara 2020 zahaji so założenski swjedzeń Spěwneho towarstwa Lilija, kotrež bu 1895 w Konjecach założene a so hłownje sakralnemu spěwanju wěnuje. Po tym zo spominaše farar Delan na skutkowanje w zaštosći, wobrubu chór kemše z někotrymi twórbami. Džen na to běše swjedženske zarjadowanje w Sernjanskim hosćencu, hdžež skići chór hodžinski zabawny program, mjez druhim tež ze samospisanim skečom. K tomu běchu sej čłonojo tež bywšich dirigentow a něhdyšich čłonow přeprosili. Zdobom gratulowachu chórej předsyda TCM Jurij Špitank, předsyda muskeho chóra Delany Janek Wowčer, předsydka Radworskeje Meje Angelika Hänelowa a Tomaš Bjeńš w mjenje Ralbičanskich pozawnistow.



Přeprošenje



Wšitcy, kotřiž rady dwójnu hłójčku hraja,
su wutrobnje na

turněr dwójneje hłójčki

pjatk, dnja 14. februara 2020
do burskeje stwy w Konjecach přeprošení.
Započatk je w 19.00 hodź.!

Přeprošuje
wohnjowa wobora
Konjecz-Šunow



TAXI VACEK

03578 / 30 20 06

- chorobne jězby
- jězby z jězbnym stołom a ze zbrašenymi
- transfer k lětanišću
- wulěty
- wobstaranja (nakupy, zarjady, apoteki)

01920 Njebjelčicy

Po tym zo je so Hilža Młynkowa ze Šunowa na wuměnk podała, smy jeje klientow přewzali. Přizjewće so pola nas, jeli jězby planujete.

Zaběra za džěci

Za zymske prózdniny sej džěci zawěsće dosć sněha přeja. Potom bychmy na našich zahrodach zawěsće tež tele postawy wuhladali. Hdyž zwjazujuće ličby wot 1 do 111, widźiće, wo koho so jedna.



Lajska dźiwadłowa skupina Šunow-Konjegy

přeprošuje Was

na komediju

Ludźo, njedźiwajće so

**Njedźelu,
Njedźelu,**

**02.02.2020
16.02.2020**

**w 16.00 hodź.
w 16.00 hodź.**

**w Haslowje*
w Lejnje**

*** ze simultanym přeložkom**